

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



Province of the  
**EASTERN CAPE**  
EDUCATION



**NATIONAL  
SENIOR CERTIFICATE**

**IBANGA 12**

**SEPTEMBER 2022**

**ISIXHOSA ULWIMI LOKUQALA OLONGEZELELWEYO  
(FAL) IPHEPHA 3  
ISIKHOKELO SOKUMAKISHA**

**AMANQAKU: 100**

---

Esi sikhokelo sokumakisha sinamaphepha ali-14.

---

## ICANDELO A: ISINCOKO

### UMBUZO 1

#### Imiyalelo yokumakisha

- Kweli candelo umviwa ukhetha isihloko sibe sinye. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Usuku endinga ndingalubuyisa	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Makube lusuku olunye.</p> <ul style="list-style-type: none"> <li>• Angabalisa ngesiganeko solo suku esibangela ukuba anqwenele ukubuyisa olo suku</li> <li>• Ulonwabo olweza nolo suku</li> <li>• Ukukhawuleza kolo suku ukuphela</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
1.2	Isihloko:	Ukubaluleka kwemithi	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <ul style="list-style-type: none"> <li>• Angabhala ngokubaluleka kwemithi empilweni yabantu.</li> <li>• Ukubaluleka kwemithi kuqoqosho lwelizwe.</li> <li>• Ukubaluleka kwemithi ngokuhombisa umhlaba.</li> <li>• Ukufundisa abantu ngokubaluleka kwemithi.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

1.3	Isihloko:	Lwaphela lusemnandi olo hambo	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Makathethe ngohambo olunye nokuba lwathatha usuku okanye iintsuku.</p> <ul style="list-style-type: none"> <li>• Angabhala ngohambo lweholide nosapho</li> <li>• Ingaluhambo nesikolo/iqela lomdlalo/iqela leenkokeli</li> <li>• Ingaluhambo lwenkolo</li> <li>• Kungaluhambo nabahlobo</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>

1.4	Isihloko:	Abantu abayeke phakathi esikolweni bayaphumelela	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Umfundi usenokuxhasa okanye achase. Oxhasayo anike izimvo ezibangela ukuba ahambisane nesihloko. Ochasayo naye anike izizathu ezibangela ukuba angahambisani nesihloko.</p> <ul style="list-style-type: none"> <li>• Ukuphumelela kuhamba nengqiqo hayi nokufunda.</li> <li>• Ukufunda kuphumelelisa ngakumbi kuba kongeza izakhono kwingqiqo.</li> <li>• Ukuphumelela kuxhomekeka ekuzinikeleni nokusebenza nzima nokuba ufundile okanye akufundanga.</li> <li>• Ukufunda kwenza ukuba abantu baqeshwe baxhomekeke emivuzweni abayimiselweyo.</li> <li>• Abantu abaphume phakathi esikolweni basebenza imisebenzi ehlawula kancinci.</li> <li>• Angabhala anike imizekelo yabantu abayeke phakathi esikolweni kodwa baphumelela/abaphumelela.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>

1.5	Isihloko:	I-intanethi iluncedo kodwa ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Makachaphazeleuncedo lweintanethi eveza necela elibi ngeintanethi.</p> <ul style="list-style-type: none"> <li>• Angabhala ngoncedo lweintanethi ngokunika ulwazi gabalala.</li> <li>• Uncedo lwayo kunxibelelwano.</li> <li>• Uncedo lwayo kwimfundo.</li> <li>• Uncedo lwayo kootsotsi abatsotsa abantu.</li> <li>• Ukuxhaphazana/nokuxhatshazwa kwabantu ngenxa yayo.</li> <li>• Ukwenza ubomi lula.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

1.6	Isihloko:	Ingaba ngenene ndim lo, andikholelwa	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <ul style="list-style-type: none"> <li>• Angabhala abalule izizathu ezibangela ukuba angakholelwa ukuba nguye okulo meko akuyo.</li> <li>• Angabhala ngobunzima agqithe kubo ukuze abe uyothuka ukuba ngenene ungulo mntu anguye.</li> <li>• Ukuwelwa ngumqa esandleni kutshintshe ubomi.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

1.7	1.7.1	Isihloko:		
		Imo efanelekileyo:	Intshayelelo, isiqu nesiphelo.	
		Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
		Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Makanike isihloko esifanelekileyo.</p> <ul style="list-style-type: none"> <li>• Angabhala ngothando/umanyano.</li> <li>• Angabhala ngendalo.</li> <li>• Izilwanyana zasekhaya.</li> <li>• Inkcubeko (ezivumela izinja neekati ukuba zihlale endlwini nabantu).</li> <li>• Kungangokukhathalela izilwanyana.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

	1.7.2	Isihloko:		
		Imo efanelekileyo:	Intshayelelo, isiqu nesiphelo.	
		Ulwimi	Luhambelana nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
		Umxholo	<p>Isincoko singabalisa/chaza/camngca/xoxela amacala omabini/xoxela icala elinye.</p> <p><b>Umviwa angasebenzisa nawuphi kule mixholo ilandelayo.</b></p> <p>Makanike isihloko esifanelekileyo.</p> <ul style="list-style-type: none"> <li>• Angabhala ngokutya okungekho mpilweni nobungozi kwako.</li> <li>• Imini awayezikhuphe ngayo watya ooni nooni.</li> <li>• Ukuxakeka kwabantu okwenza bangapheki batye ukutya okukhawulezayo.</li> <li>• Ukulumkisa ngokuxhomekeka kukutya okukhawulezileyo ngokwepokotho nempilo.</li> <li>• Ukwenza imali ngokutya okukhawulezayo.</li> </ul> <p>(Naziphi izimvo zomfundi ezisemxholweni ziya kwamkeleka.)</p>	[50]

## IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Masisebenzise ixesha eladlulayo/elidlulileyo/elimiyo.
- Masibonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso – ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

Isincoko esixoxayo:

- Umviwa uthatha icala ngomba othile.
- Uthotho lweengxoxo oludla ngokuba kwimo engengcaciso ngeengongoma ezithile.
- Ukubethelela isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengebiso.

Kwisincoko esivelela amacala omabini

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.

[50]

**AMANQAKU ECANDELO A: 50**



## ICANDELO B: UMHLATHI OMDE

### Imiyalelo yokumakisha

- Kweli candelo umviwa ukhetha umhlathi ubemnye. Ukuba ukhethe yamibini, makisha owokuqala.
- Ubude bomhlathi omde mabubengamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

## UMBUZO 2

### 2.1 ILETA ESESIKWENI

- Idilesi zimbini.
- Eyombhali ibhalwa ngokupheleleyo kwikona engasekunene.
- Umhla ubhalwa ngqo phantsi kwedilesi yombhali, ze emva koko kushiye umgca.
- Idilesi yombhalelwa ibhalwa ithi nca kumgca ohlayo ngasekhohlo.
- Isebe elo libhalelwayo malikhankanywe.
- Emva koko makubhalwe idilesi ephelileyo ze kushiye umgca.
- Isibuliso masihambelane nomxholo weleta.
- Umcimbi ukrwelelwa umgca ngaphantsi, uze ushiye umgca.
- Ileta mayibe yeyokwenza isicelo sendawo yokufunda kwiyunivesithi.
- Isiphelo sibe seseleta esesikweni size silandelwe yifani noonobumba-magama ombhali.

[30]

### 2.2 IOBHITSHUWARI

- Umviwa kufuneka enze amagqabantshintshi obomi bomntu ongasekhoyo obengumhleli wephephandaba lengingqi.
- Ibhalwa ngohlobo lomhlathi.
- Umhlathi wokuqala unika iinkcukacha malunga: negama, umhla wokuzalwa nowokusweleka kwakhe, indawo azalelwe kuyo, imfundo yakhe.
- Umhlathi olandelayo: uhlomla ngegalelo lakhe, iimpembelelo zakhe, ezixhaswa ngebalana elibubungqina besiphiwo/iziphiwo zakhe ekuhlaleni/emsebenzini/kwimibutho abezibandakanye nayo.
- Umhlathi wesithathu/wokugqibela udlulisa amazwi ovelwano kwikhaya/kusapho lomfi.

[30]

### 2.3 UDLIWANONDLIBE

- Udliwanondlebe malube phakathi komsasazi kanomathotholo kunye nemvumi yamapiyano.
- Ifomathi mayibe ngumbuzo olandelwa yimpendulo.
- Izithethi mazinikwe amagama kushiye umgca phakathi kwezithethi.
- Amagama ezithethi abhalwa kwicala elisekhohlo ephepheni kubekwe ikholoni ze kulandele intetho yesithethi.
- Kwintshayelelo obuza imibuzo unika imvelaphi yomntu ambuzayo.
- Kwisiqu obuzayo ubuza imibuzo esemxholweni emalunga nokuphumelela kwemvumi yamapiyano.
- Iimpendulo mazicacise ngokwaneleyo zinike izimvo neengongoma ezifanelekileyo.
- Umntu obuzwayo uphendula imibuzo aze anike ulwazi olulindelekileyo.
- Kuvumelekile ukusebenzisa umntu wokuqala umz 'Ndi'.

[30]

### 2.4 IAJENDA NEMIZUZU YENTLANGANISO

- Kwi-ajenda kudweliswa inkqubo eza kulandela entlanganisweni xa kuxoxwa.
- Makudweliswe imiba/izihlokwana ekuza kuxoxwa ngazo ngokokulandelelana kwazo.
- Imizuzu mayihambelane nezihlokwana ezikwi-ajenda.
- Kubhalwa iziphakamiso kunye nezigqibo kuphela.
- Imizuzu ibhalwa kwixesha elidlulileyo.
- Ulwimi malube lolusesikweni.

[30]

**AMANQAKU ECANDELO B: 30**

## ICANDELO C: UMHLATHI OMFUTSHANE

### Imiyalelo yokumakisha

- Kweli candelo umviwa ukhetha umhlathi ubemnye, aze athi ukuba ukhethe yamibini, makisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

### UMBUZO 3

#### 3.1 IPOWUSTA

- Makulandelwe ifomathi efanelekileyo.
- Okubhaliweyo kwipowusta makucace, kunike umdla.
- Mayicace ukuba ipowusta ijolise koobani.
- Iinkcukacha malunga nokulondoloza amanzi mazixelwe. [20]

#### 3.2 UMYALEZO OMFUTSHANE

- Igama okanye inombolo yomamkeli phezulu kwesikrini sefowuni.
- Umyalezo ochwetheziweyo.
- Ulwimi lunokuba sesikweni okanye lube lolungekho sesikweni kuxhomekeka kwimeko leyo.
- Ixesha lixhomekeke kumxholo.
- Umyalezo kufuneka ucace kwaye ube mfutshane.
- Ukusetyenziswa kwezishunqulelo, oonobumba, amanani nokushiya izikhamiso kuvumeleke kuphela xa kubhalwa itekisi engekho sesikweni. [20]

#### 3.3 IMIYALELO

- Mayibemalunga nokubhala ileta yobuhlobo.
- Imiyalelo mayicace gca, kusetyenziswe isiyaleli ubukhulu becala kwimo evumayo.
- Ingasetyenziswa imo elandulayo kodwa hayi kakhulu.
- Mayibekwe ngendlela ecacileyo nevakalayo imiyalelo. [20]

**AMANQAKU ECANDELO C: 20**  
**AMANQAKU EWONKE: 100**

**QAPHELA:**

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

**ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]**

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
<b>UMXHOLO NOCWANGCISO</b>  (Impendulo nezimvo) Ukubekela izimvo ngenjongo yokucwangcisa. Ukubonakalisa ukuyazi injongo, abantu ekujoliswe kubo kunye nemeko.  <b>30 AMANQAKU</b>	Umgangatho ongentla	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Impendulo ebalaseleyo enomtsalane, ngaphaya kobekulindelekile. -Izimvo zihlakaniphile, zixhokoxa iingcinga kwaye zinemfezeko. -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko.	-Impendulo ixonxwe ngobugcisa obukhulu. -Izimvo zinxulumene nomxholo kwaye zinika umdla, bukho ubungqina bemfezeko kwizimvo. -lingcamango zibekelwe ngokwakhelanyo kuquka intshayelelo, isiqu nesiphelo.	-Impendulo iyanelisa ngokupheleleyo. -Izimvo ziyamathelana noko kwaye zingakuguqula ukucinga kofundayo. -lingcamango zibekelwe ngokunamatheleneyo kuquka intshayelelo, isiqu nesiphelo.	-Impendulo ingena iphuma emxholweni akukho lunamathelwano kwizimvo. -Izimvo azicacanga kwaye ezinye zazo zezemboleko. -Buncinci kakhulu ubungqina bobekelwano nonamathelwano lweengcamango.	-Impendulo ayikho mxholweni konke konke. -Izimvo zibondene azingqalanga ntweni. -Azivakali izimvo kwaye ziyaphindaphindwa/ uthetha into enye. -lingcamango zibekwe xazalala azinalunxibelelwano.
	Umgangatho ongezantsi	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Impendulo encamisileyo kodwa akukho zimpawu zakubalaselela kubhekele phi kwisincoko. -Izimvo zivuthiwe zixhokoxa iingcinga. -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo.	-Impendulo ixonxwe ngobugcisa. -Izimvo zisemxholweni kwaye zinika umdla. -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo.	-Impendulo iyanelisa nangona kumana kubakho ukungacaci kwiindawo ezithile. -Kukho ukunamathelana okubonakalayo kwizimvo kwaye kuyanelisa. -Kukho ukubekelwa kweengcamango nonamathelwano kwintshayelelo, isiqu nesiphelo.	-Impendulo iphumile emxholweni ubukhulu becala. -Izimvo ziyaqhawu-qhawuka ziyabhidisa. -Buyanqaphazeka ubungqina bokubekelwano kweengcamango nonamathelwano.	-Impendulo itenxile malunga nomxholo. -Izimvo zitinxile zingcwecwela kude nomxholo. -lingcamango ziyinxubevange engenamqalisela.

## IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
<b>ULWIMI, ISIMBO OKANYE NOKUHLELA</b>  Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo  <b>15 AMANQAKU</b>	Umgangatho ongentla	<b>14–15</b> - Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko. - Ulwimi lusetyenziswe ngokuzithemba, luyathabathekisa. - Ithoni enomtsalane nezafobe zentetho eziphumeza injongo. - Phantse kube akukho nasinye isiphene solwakhiwo zivakalisi, upelo nokusetyenziswa kolwimi. - Sixonxwe ngobugcisa obukhulu.	<b>11–12</b> - Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko. - Ulwimi luchaneke ngakumbi kwaye ithoni isetyenziswe ngokuchaneka kwisincoko siphela. - Iziphene zokusetyenziswa kolwimi nopelo zinqongophele. - Sixonxwe ngobugcisa obukhulu.	<b>8–9</b> - Ithoni, irejista, isimbo, isigama sifanelene nenjongo, abantu ekujoliswe kubo kunye nemeko. - Ulwimi olufanelekileyo ludlulisa umyalezo. - Ithoni ifanelekile. - Izafobe zentetho zinonga umxholo.	<b>5–6</b> - Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko. - Ulwimi lusetyenziswa ngendlela ebuthathaka. - Ithoni nochongo magama azifanelekanga. - Isigama siinqongophele.	<b>0–3</b> - Ulwimi aluvakali. - Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko. - Ukunqongophala kwesigama kubaxekile kangangokuba ayinasihlahla into ebhaliweyo.
		Umgangatho ngezantsi	<b>13</b> - Ulwimi luchanekile kanye nezafobe zisetyenziswe ngethoni ephumeza ukudlulisa umyalezo. - Phantse kube akukho nasinye isiphene solwakhiwo zivakalisi, upelo, nokusetyenziswa kolwimi. - Sixonxwe ngobugcisa obukhulu.	<b>10</b> - Ulwimi lunomtsalane kwaye luyaziphumeza iinjongo zokubhala. - Ithoni ifanelekile kwaye iyaziphumeza iinjongo zokubhala. - Zimbalezi iziphene zezakhi zezivakalisi kunye nopelo. - Sixonxwe ngobugcisa.	<b>7</b> - Kuyanelisa ukusetyenziswa kolwimi kodwa asekho amakhwiniba. - Ithoni ifanelekile kodwa izafobe zentetho ezisetyenzisiweyo zinqongophele.	<b>4</b> - Ukusetyenziswa kolwimi kubonisa ububhetyebhetye. - Izivakalisi zinobuthathaka-azitshintsha-tshintshwa. - Isigama siinqongophele ngokubalaseleyo.
<b>ISAKHIWO</b>  limpawu zetekisi Ukukhula kwemihlathi nokwakhiwa kwezivakalisi  <b>5 AMANQAKU</b>		<b>5</b> - Isihloko sikhuliswe ngokuncamisayo. - linkcukacha zibalasele ngokungaqhelekanga. - Izivakalisi, imihlathi zakhiwe zaziqisiswa ngokugqwesileyo.	<b>4</b> - linkcukacha ezinengqiqo zikhuliswe ngokwakhelanyo. - Izimvo zinamathele. - Izivakalisi, imihlathi zitshintshatshintshwa ngobuchule obuqisisiweyo.	<b>3</b> - linkcukacha ezisemxholweni zikhulisiwe. - Izivakalisi, imihlathi zakhiwe kuhle. - Isincoko sibunjwe ngengqiqo.	<b>2</b> - Zikho iingcamango ezamkelekileyo. - Isakhiwo sezivakalisi nesemihlathi sinamakhwiniba. - Isincoko sisenayo ingqiqo.	<b>0–1</b> - iingcamango ezifunekayo zinqongophele. - Isakhiwo sezivakalisi nesemihlathi sigxoko-gxoko. - Isincoko asinangqiqo.
<b>UMMANDLA WAMANQAKU</b>		<b>43–50</b>	<b>33–40</b>	<b>23–30</b>	<b>13–20</b>	<b>0–10</b>

**ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]**

<b>Ikhrayitheriya</b>	<b>Balaseleyo</b>	<b>Enobuchule</b>	<b>Phakathi</b>	<b>Buthathaka</b>	<b>Bubhetyebhetye</b>
<p><b>UMXHOLO, UCWANGCISO NEFOMATHI</b></p> <p>Ukungqala kwempendulo nezimvo. Ukuqoqwa kwezimvo ngenjongo yokucwangcisa. Injongo yokubhala, abo kujoliswe kubo, iimpawu/imigaqo yetekisi, kunye nemeko.</p> <p><b>18 AMANQAKU</b></p>	<p><b>15–18</b></p> <ul style="list-style-type: none"> <li>- Impendulo igqwesile idlule okuqhelekileyo.</li> <li>- Izimvo ziqiqisise kwaye zivuthiwe.</li> <li>- Luphangalele ulwazi lweempawu zolu didi lwetekisi.</li> <li>- Umsebenzi ungqalile uhleli emxholweni.</li> <li>- Kukho ukunamathelana kwizimvo nomxholo.</li> <li>- lingcamango zidakancwe ngobunono zonke iinkcukacha zixhasa isihloko.</li> <li>- Ifomathi ifanelekile kwaye ichanekile.</li> </ul>	<p><b>11–14</b></p> <ul style="list-style-type: none"> <li>- Impendulo ibonakalisa ukuchaneka kanobom ulwazi olunzulu lweempawu zolu didi lwetekisi.</li> <li>- Ingqalile ayiphumi nasemxholweni.</li> <li>- Izimvo zixonxwe zadakancwa ngokunamatheleneyo kumxholo nezimvo.</li> <li>- Iinkcukacha zixhasa isihloko.</li> <li>- Ifomathi ifanelekile ineendawana ezingachanekanga ezingephi.</li> </ul>	<p><b>8–10</b></p> <ul style="list-style-type: none"> <li>- Impendulo iyanelisa ibonakalisa ulwazi lweempawu zolu didi lwetekisi.</li> <li>- Izimvo ziyaphuma emxholweni kwaye kukho nokugqwidiza.</li> <li>- Ukunamathelana kumxholo nezimvo kufanelekile.</li> <li>- Ezinye iinkcukacha zixhasa isihloko.</li> <li>- Ifomathi ifanelekile kodwa kusekho ukungachaneki.</li> </ul>	<p><b>5–7</b></p> <ul style="list-style-type: none"> <li>- Impendulo ibonakalisa ulwazi olungephi lweempawu zolu didi lwetekisi.</li> <li>- Zimbalwa izimvo ezisemxholweni kodwa kuninzi ukuphuma ecaleni.</li> <li>- Kunqabile ukunamathelana komxholo nezimvo.</li> <li>- Zimbalwa iinkcukacha ezixhasa isihloko.</li> <li>- Imigaqo yefomathi ephambili isetyenziswe ngokungaqondi.</li> <li>- Kutyeshelwe izinto ezininzi.</li> </ul>	<p><b>0–4</b></p> <ul style="list-style-type: none"> <li>- Impendulo ibonakalisa ukunqongophala kolwazi lweempawu zolu didi lwetekisi.</li> <li>- Intsingiselo ilahleka rhoqo ide iphume emxholweni.</li> <li>- Akukho ukunamathelana kumxholo nezimvo.</li> <li>- Zimbalwa kakhulu iinkcukacha ezixhasa isihloko.</li> <li>- Imigaqo eyimfuneko yobhalo lwale tekisi ityeshelwe.</li> </ul>
<p><b>ULWIMI ISIMBO SOKUBHALA NOKUHLELA</b></p> <p>Ithoni, irejista, isimbo, injongo/ifuthe, abo kujoliswe kubo kunye nemeko. Ukusetyenziswa kolwimi nemigaqo. Uchongo magama limpawu zokubhala kunye nopelo.</p> <p><b>12 AMANQAKU</b></p>	<p><b>10–12</b></p> <ul style="list-style-type: none"> <li>- Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko.</li> <li>- Izakhi zezivakalisi zisetyenziswe ngokuchanekileyo.</li> <li>- Phantse kube akukho nasinye isiphene.</li> </ul>	<p><b>8–9</b></p> <ul style="list-style-type: none"> <li>- Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko.</li> <li>- Izakhi zezivakalisi zichanekile kwaye umyalezo wakheke kakuhle.</li> <li>- Isigama sichanekile.</li> <li>- Ubukhulu becala akukho zimpazamo.</li> </ul>	<p><b>6–7</b></p> <ul style="list-style-type: none"> <li>- Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko.</li> <li>- Izakhi zezivakalisi zibonakalisa iimposiso.</li> <li>- Isigama siyanelisa.</li> <li>- Iimpazamo zobhalo ezikhoyo aziyiphazamisi intsingiselo nomyalezo.</li> </ul>	<p><b>4–5</b></p> <ul style="list-style-type: none"> <li>- Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko.</li> <li>- Izakhi zezivakalisi zineemposiso ezininzi eziphazamisa umyalezo.</li> <li>- Sinqongophele isigama.</li> <li>- Kukho amagingxi-gingxi kwintsingiselo.</li> </ul>	<p><b>0–3</b></p> <ul style="list-style-type: none"> <li>- Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo.</li> <li>- Izele ziimpazamo ixazalala.</li> <li>- Isigama asifanelananga nenjongo.</li> <li>- Intsingiselo ilahleke kakhulu.</li> </ul>
<b>UMMANDLA WAMANQAKU</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>

**ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]**

<b>Ikhrayitheriya</b>	<b>Balaseleyo</b>	<b>Enobuchule</b>	<b>Phakathi</b>	<b>Buthathaka</b>	<b>Bubhetyebhetye</b>
<b>UMXHOLO UKUCWANGCISA NEFOMATHI</b>  Impendulo nezimvo Ukubekelelwa kwezimvo limpawu zetekisi/ umgaqo kunye nemeko  <b>12 AMANQAKU</b>	<b>10–12</b> - Impendulo igqwesile ibonisa ukuqiqisiswa kwezimvo. - Izimvo zihlakaniphile kwaye zivuthiwe. - Luphangalele ulwazi lweempawu zolu didi lwetekisi. - Umsebenzi ungqalile akukho kugqwidiza. - Kubonakala ukunamathelana kwizimvo nomxholo. - Iingcamango zidakancwe ngobunono kwaye zonke iinkcukacha zixhasa isihloko. - Ifomathi ifanelekile kwaye ichanekile.	<b>8–9</b> - Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. - Inggalile ayiphumi nasemxholweni. - Izimvo zixonxwe zadakancwa ngokunamatheleneyo kumxholo nezimvo. - Iinkcukacha zixhasa isihloko. - Ifomathi ingqalile iindawana ezikhoyo ezingachanekanga aziyiphazamisi injongo yokubhala.	<b>6–7</b> - Impendulo iyanelisa ibonakalisa ulwazi lweempawu zolu didi lwetekisi. - Izimvo azisoloko zisemxholweni kwaye kukho nokugqwidiza. - Ukunamathelana kumxholo nezimvo kwenzeka ngokufanelekileyo. - Ezinye iinkcukacha zixhasa isihloko. - Ifomathi ingqalile kodwa zikho iindawana ezingachanekanga.	<b>4–5</b> - Impendulo ibonakalisa ubunzima malunga nolwazi lweempawu zolu didi lwetekisi. - Zimbalwa izimvo ezisemxholweni kodwa kuninzi ukuphuma ecaleni. - Kunqabile ukunamathelana kumxholo nezimvo. - Zimbalwa iinkcukacha ezixhasa isihloko. - Imigaqo yefomathi ephambili ityeshelwe okanye isetyenziswe ngokungaqondi.	<b>0–3</b> - Impendulo ibonakalisa ukunqongophala kolwazi lweempawu zolu didi lwetekisi. - Intsingiselo ilahleka rhoqo kukho - Intsingiselo iduke kwisakhiwo esixazalala. - Akukho ukunamathelana kumxholo nezimvo. - Zimbalwa kakhulu iinkcukacha ezixhasa isihloko. - Imigaqo eyimfuneko yobhalo lwale tekisi ityeshelwe.
<b>ULWIMI, ISIMBO NOKUHLELA</b>  Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama limpawu zokubhala kunye nopelo  <b>8 AMANQAKU</b>	<b>7–8</b> - Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko. - Izakhi zezivakalisi zisetyenziswe ngokuchanekileyo. - Phantse kube akukho nasinye isiphene.	<b>5–6</b> - Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko. - Izakhi zezivakalisi zichanekile kwaye umyalezo wakheke kakuhle. - Isigama sichanekile. - Ubukhulu becala azikho iimpazamo.	<b>4</b> - Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko. - Izakhi zezivakalisi zibonakalisa iimposiso. - Isigama siyanelisa. - Iimpazamo zobhalo ezikhoyo aziyiphazamisi intsingiselo.	<b>3</b> - Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko. - Izakhi zezivakalisi zineemposiso ezininzi eziphazamisa umyalezo. - Sinqongophele isigama. - Kukho amagingxi-gingxi kwintsingiselo.	<b>0–2</b> - Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo. - Izele ziimpazamo ixazalala iyadida. - Isigama asihambelani nenjongo. - Intsingiselo ilahlekile kakhulu.
<b>UMMANDLA WAMANQAKU</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>